

碧除隱彌

西方八天

泉曲監阿

齒精浮黎

覺逸湛定

絳闈伴兮

帝忽茲投

鉤圖建施

流育律逐

黍殊巷非

林振即虛

苟旨元衣

崑崙天山

驚樓綿披

僅房遠交

軒多瓊曲

爛絕送治

寬動太儀

北方八天

蔚蘭未司

局丹耀禧

崑龍煙梁

精泓蘇界

氣道神散

空中煩瓊

德鎮洞后

題鉏乾羅

霞落美太

敕淵捧祝

璧瑤貞月

追冥素旗

出氣度玉

金道八埤

黃臺四空

虎首澆歌

道言此諸天中大梵隱語無量之音鍊氣變
仙九宮玄文天真皇人知氣之元得氣之根
氣化廓落縱橫成文丹筆書之八角垂輝疊
玉排瓊其方一丈四景耀明昔書其文以為
正音有知其音能齋而誦之者道炁鍊真神

隱冲冥諸天真王下觀其身書其功勤上奏

諸天萬神朝禮地祇侍門大勳真王保舉上

真道備刻得遊行三界昇入金門此音無所

不鍊無所不營無所不化無所不明鍊炁變

仙自然之音也故誦之致飛天下觀上帝透

唱萬神朝禮三界侍軒群杖束首鬼精自亡

氣激神宮玉音自鳴天球振響道空鬱清海

平嶽珠碧煙金城鶴觀壘壁仙都虛盈萬仙

駢擁紫蓋丹旌天地鍊炁變化吳京冥夷超

忽大量玄玄也

元始無量度人上品妙經卷之六十

靈寶無量度人上品妙經卷之六十一 洪一

永斷輪轉品

道言昔於始青天中大浮洞歌玄明黎土受

元始度人永斷輪轉無量上品元始天尊當

說是經周迴十過以召十方始當詣座天真

大神上聖高尊妙行真人無執數衆乘空而

來玉馬雲輶彩霞流霽丹輿形轂陣華飛香

三景蔚清合映太空七日夜諸天日有龍

文月呈寶宇星樓鶴觀宿舍機躡一時停輪

龍風春雨鳳氣成山天無浮翳四象高明一

國地土山川林木緬平一等無復高下土軟

紫金外涵水火淨瑩交徹無有異色表真侍

座元始天尊玄坐空浮無色海光之上金山

不動瑞相儼如說經一遍諸天大聖同時稱

善是時一國男女見道真形狀捨生死說經

二過覺悟三業猶彼火聚說經三過觀身穢

壞願證法體說經四過悲憫三界轉覆如輪

說經五過世間妄見回念正道說經六過道

可飛神不染羸惡說經七過自知宿命不貴

道靈說經八過住此真常永斷輪轉說經九

過壽過天地得真長生說經十過證位昇玄
永無生化是時一國是男是女莫不傾心皆
受護度咸得長生

道言是時元始天尊說經一過東方无極无
量品多聞大神無鞅之衆浮空而至說經二
過南方无極无量品多目大神無鞅之衆浮
空而至說經三過西方无極无量品堅住大
神無鞅之衆浮空而至說經四過北方无極
无量品定海大神無鞅之衆浮空而至說經
五過東北无極无量品神用大神無鞅之衆
浮空而至說經六過東南无極无量品權化
大神無鞅之衆浮空而至說經七過西南无
極无量品道聽大神無鞅之衆浮空而至說
經八過西北无極无量品玄藏大神無鞅之
衆浮空而至說經九過上方无極无量品永
生大神無鞅之衆浮空而至說經十過下方
无極无量品息化大神無鞅之衆浮空而至
十過周竟十方無極天真大神一時同至一
國男女傾心歸仰於所住天所居官殿咸見
元始升座威儀說經演法无量十方光明照

見官殿赫如朝日各相謂言我等位證諸天
未出輪轉壽過五劫未免生死身相光明未
免衰滅今聞天尊欲說大法永斷輪轉始得
開悟入真法門出生死網來者有如細雨霽
霧無鞅之衆進國一半土皆偏陷非可禁止
於是元始振衣凭几頂出大明普照十方世
界無極仙真國土一一國中見諸僊王將引
臣從來赴法席又見諸天各持奇華異果玉
芝仙草以為供養有諸仙王居大宮殿而修
仙業領理天政心默欲樂或奔來光華嚙味
真景勸教諸真種種妙事會中天人心中目
矚不敢陳議元始徐啓雷音遍告大衆欲免
生死不入流浪先當無心爾若無心即無三
業衆生迷妄指識為心分別有無計度生死
心本妄名以妄取名心則虛幻覺了能知本
是道元何關心事認心若境即住生死若無
妄心不住生死即永斷輪轉乃至諸大天僊
高真帝王以無心故證位聖真自然得道依
心取捨趣死趣生終非究竟乃至服氣鍊化
餌藥延年並為小乘功用感應皆非解脫昇

入無形之道爾若不為心所遷易隨念用情
心迹兩忘即見道體永斷輪轉不住生死與
我今者在此無色海光說如是法若以有心
則一切護法天人龍鬼悉各遠離不應來此
頂禮欽奉故知無心是道真形是無等法則
身所行事十聖莫知口所出言是天帝勅心
若計度則魔精來附終歸惡道元始忽從海
光混入無色太玄空中懸一寶珠大如黍米
在大虛之中去地千丈元始登引天真大神
上聖高尊妙行真人十方无極大道威神無
鞅數衆俱入寶珠之中天人仰看惟見拂拂
從珠口中入既入珠口不知所在國人廓散
地還平正無復鞅陷元始即於寶珠之內說
經都竟衆真監度以授於我當此之時喜慶
難言法事粗悉諸天復位倏歛之間寂無遺
響是時天人遇值經法普得開悟玄默虛明
不著空見傾土歸仰咸行善心不殺不害不
嫉不妬不淫不盜不貪不欲不憎不妒言無
華綺口無惡聲齊同讚嘆真骨成親國安民
豐欣樂太平經始出教一國以道預有至心

宗奉禮敬皆得度世

道言元始天尊說經中所言蓋是諸天上帝
內名隱韻之音亦是真王內諱百靈之隱名
也非世之常辭上聖已成真人通玄究微能
悉其章誦之十過諸天遙唱萬帝設禮雲烟

靜照海嶽深雲二象澄廓三景輝明一切有
情心契真道永斷生死輪轉休停至學之士
誦之十過則五帝侍衛三界稽首魔精喪眼
鬼祿滅爽神飛形固遂其永生所以爾者學
士穢氣未消體未洞真召制十方威未制天
政德可伏御地祇束縛魔靈但濟兆身而已
不能普度群靈輕誦此章身則被殃供養專
禮門戶興隆世世昌熾與善因緣萬災不干
神明護門斯經專妙獨步至京度人无量為
萬道之宗巍巍大範德難可勝

道言凡誦是經十過諸天齊到三界停輪此
得至真明曉生根不著有無不滯亡存若有
大物為生死門兆無物相混洞不分永斷輪
轉與道杳冥億曾萬祖幽魂苦爽皆即受度
上昇赤官格皆九年受化更生得為貴人而

好學至經功滿德就復歸無名出離陰陽無
犯劫并不屬生死永斷輪轉變化不化更生
不生與道合體皆得神仙飛昇金闕遊宴玉
京也上學之士修誦是經皆即受度飛昇南
宮世人受誦則延壽長年厥爾得悟玄解之

道神識不昧應物無窮即得運形遊觀太冥
此經微妙普度含靈一切天人莫不受慶無
量之福生死蒙惠上天所寶不傳下世至士
齋金寶效心盟天而傳輕泄漏慢殃及九祖
長役考官侍經五帝玉童玉女各二十四人
營衛神文保護受經者身

道言正月長齋誦詠是經契道真極止息生
機於諸天中無去來因不住滅定得大乘門
為上世亡竟斷地遠役度上南宮七月長齋
誦詠是經惡心消解仇對和平不為人緣往
返相因寓形顯明元精天成不死不生身得
神仙諸天書名青籙白簡削死上生十月長
齋誦詠是經不住永滅不欣長存乘物以遊
為光為塵亦兆大慈无量度人出教演法寶
書天經為國王帝主君臣父子安鎮國祚保

天長存世世不絕常為人君安鎮其方民稱
太平八節之日誦詠是經挺然獨觀八風無
傾兆出死生駕馭瓊輪得為九宮真人本命
之日誦詠是經真氣虧盈不亡不存永斷輪
轉運遙妙庭真神澄正萬氣長存不經苦惱

身有光明三界侍衛五帝司迎萬神朝禮名
書上天功滿德就飛昇上清

道言行道之日皆當香湯沐浴齋戒入室
東向叩齒三十二通上開三十二天心拜
三十二通閉目靜思身坐黃綠青赤蒼黑
碧紫白九色靈氣之中內外蒼冥有青龍
白虎朱雀玄武獅子白鶴羅列左右頭上
有元无上真道君頂七曜文泰寶冠面若
瓊瑤方體素紫威耀光明身被綠霞絳章
飛裙手執神劍斷生死魔三天殺尾乘紫
素雲位立巖然身長九尺上應九真日月
照明洞煥室內項生三氣圓象光映十方
如此分明審咒曰
无上玄无太上道君召出臣身中三五功曹
左右官使者侍香玉童傳言玉女五帝直符

直日香官各三十二人關啓所言今日吉慶
長齊清堂修行至經无量度人願所啓上徹
徑御

无上三十二天无始上帝至尊几前

引志三十二通東向誦經

元始无量度人上品妙經

元始洞玄靈寶本章永斷輪轉周迴度人洞
真隱奧緣起自然赤混靈根空無化成太虛
明微肇生諸天流演三氣大機彌綸中有虛
皇是為我身玄文散落普育萬靈赤景為陽
黃華為陰圓光森列羅布諸星太一紫房瑤
簡綠編啓運元造玄中之玄圓羅大梵靈關
瓊宮下包黃氣洞淵網維眇眇蕩蕩六闢九
開招靈化人體備百關神變無方與道俱隆
顧盼八垣端居玉京中有玄極至道之尊中
有主生象帝之君中有開天龍躡大神中有
九皇天真丈人中有把握元紀幹運機紐至
妙尊神生成二象无量度人普告一切悟道
之元未斷輪轉得為種民今日校錄諸天臨
軒

東方无極清信神王長生大聖无量度人
南方无極明應神王長生大聖无量度人
西方无極堅立神王長生大聖无量度人
北方无極海空神王長生大聖无量度人
東土无極聖仙神王長生大聖无量度人

東南无極妙慧神王長生大聖无量度人
西南无極定常神王長生大聖无量度人
西北无極證真神王長生大聖无量度人
上方无極無影神王長生大聖无量度人
下方无極不迴神王長生大聖无量度人

十方至真飛天神王永斷輪轉无量大神並
乘瓊光綠雲八景琅與丹霞玉華駉駕碧鳳
九色神龍建交真之節素虎靈旛前按九章
齊奏後吹六竿同鳴青鸞白鶴和鳴囉囉九
靈控馭七真乘烟詠歌步虛浮空而來傾光
迴駕召生命仙南昌上宰總御朱官韓司主
錄堅固大神執籙把蕭齊到帝前隨所應度
嚴校諸天普告三界无極神鄉泉曲之府北
都羅鄴三官九府十二河源守職本真悟見
自然無有生死不著要運道無去來形為寶

山智火鍊之金光玉混比之晝夜日月常懸
往還非妄眇眇綿綿法體虛明象外真仙永
斷輪轉昇入太玄上解祖考德劫種親疾除
罪薄落滅惡根不得拘留逼合鬼羣元始符
命時刻昇遷北都寒池都衛形真制魔保舉
度品南宮死鬼受鍊仙化成人身身受度劫

劫長存永斷輪轉先天無年永度三途五苦
八難超凌三界道遠上清上清之天天帝洞
光無色之境梵行

東方八天

- 玉嬰平海天 帝蒙真乘符
- 驕爽祥備天 帝思順孝獸
- 雲陽龍磧天 帝景命混圖
- 驪性希曠天 帝齊丘綠符
- 鎮相液誓天 帝古威罕常
- 嶽樊膏汀天 帝兆籍監王
- 凝仙鹿觀天 帝幾道元光
- 斗浦玄司天 帝蕩淵慈宜
- 南方八天
- 崑嶠飛機天 帝廓洞自幽

洞炎赤主天	帝息覺除營
陽邗正父天	帝杳晶皓黃
金律整靈天	帝彌由肅沙
鳥獲無變天	帝密觀思微
神歸合明天	帝蹈靈防禹
太元機 <small>卷一</small> 省天	帝擇全施虔 <small>九</small>
校錄定真天	帝育韓籌冥
西方八天	帝直義伯鑿
明玄聖皇天	帝幽都仙
曲生司世天	帝閻騎遐非
總梵極元天	帝祖定延真
玄化典法天	帝長靈度耽
刑籍真算天	帝玉誕昌
華晶慶霄天	帝九濟道戶
妙真德女天	帝應大法謠
列星交微天	帝應大法謠
北方八天	帝遷洞伏機
孕真敗曰天	帝遊獵眷雷
卵化液流天	帝洞混光臨
温胞育陽天	

燁玉中華天 帝括保命生
 池陰鎖神天 帝師火交侯
 太極抱愛天 帝道真欲化
 諱津人山天 帝敵利寶龜
 丹精朱闕天 帝妙華玉剛
 三十二天三十二帝諸天陽諱諸天陽名天
 中空洞自然靈華諸天隱顯元始之音無形
 之尊不轉之神超象真魔斷妄之靈和合出
 流脫離化源永住諸輪變化上清无量之真
 深不可詳敷落神真無三界因今日欣慶受
 度歷闢諸天請滅三惡斬絕地根永淨六滌
 名列太玄真王監觀無拘天門東斗發生西
 斗義成北斗存道南斗降靈中斗運神九老
 三真青帝巧量白帝堅登赤帝通化黑帝淵
 清黃帝中極指呼萬神青天魔王以文定名
 赤天魔王知識散精白天魔王罪惡司刑黑
 天魔王智用乃分黃天魔王大宗非聲五帝
 大魔王生死元雄飛行鼓從總領威兵魔幢鼓
 節遊觀太空軍騎赫奕佐天舉功永斷輪轉
 嚴攝止野神功受命普掃不祥八威吐毒猛

馬四張天丁把斧大帥持旛擲火燎焚流鈴
 四揚敢有干試拒遏上真金錢前衛巨劍後
 刑屠割鬼奕風火無停千千截首萬萬窮形
 魔無千犯鬼無袂精三官北野明檢鬼營不
 得容隱金馬驛呈晉告無窮萬神咸聽三界
 五帝列言上清
 元洞已迹紹曆龍康眇眇億劫輪轉無常劫
 終劫始太空難量恍漫不期混沌之中上無
 無色下無無淵風轉九虛金景定天天上天
 下無幽無冥無形無影無極無窮溟滓大梵
 遼廓無光不名生死無有去來三界輪轉皇
 道流行六氣變化忽合忽離神依靈寶永固
 精根赤明開圖運度自然元始安鎮敷落五
 篇赤書玉字八威龍文保制劫運使天長存
 梵炁彌羅萬範開張元網流演三十二天輪
 轉無色周迴十方旋斗歷其迴度五常三十
 五分總氣上玄八景冥合氣入玄玄玄中太
 皇上帝高真泛景太霞嘯詠洞章金真明郁
 流響雲營玉音攝氣靈風聚烟紫虛鬱秀輔
 翼萬仙千和萬合自然成真真中有神神無

方體道寓姓名乃號南極太微長生大君無
英青華白元素真太一始生司命算程桃康
合延致兆有生為死本輪轉不停道初無
為豈毀豈成是為仙真養教種人執符把籙
保命生根上遊上清出入華房八冥之內細
微之中下鎮人身泥丸絳宮中理五氣混合
百神十轉迴靈萬氣齊仙仙道貴生无量度
人上開八門飛天法輪罪福禁戒宿命因緣
普受開度死竟生身身得受生永不輪轉上
聞諸天諸天之上各有真靈中有空洞謠歌
之章真玉靈篇辭參高真

第一欲界飛空之音

天道朗朗 鬼道蒙蒙 人道杳杳
沈滯輪回 仙道樂兮 太虛為家
男女相牽纏 我界居其多 聲色味靈府
頑空張網羅 濁海流巨浪 塵山鬱差我
但能錄其惡 安能遏其邪 遇我虛皇尊
演此大洞篇 頌然為種民 景色何足過
憫嗟曠劫迷 空中起悲歌 茫茫愛欲徒
不悟當奈何

第二色界真王之章

我我無極山 上有飛天宮 羽衛羅億千
我我治其中 朝遊大有庭 丹與駕靈風
夕歸校錄府 真仙執瓊編 返神入太空
下觀諸天民 自然浩劫來 身猶染輕塵
未得斷輪轉 安能忘色根 一聞空洞章
合體皆虛明 息念七寶林 濯身天河津
永契皇極道 稽首禮天尊

第三無色界真王歌曰

蕩蕩龍漢 眇眇赤明 皇極生神
無形無名 始立三界 我居其尊
統制一切 攝御衆靈 曠朗諸天
境域四開 緣習未斷 猶有領隕
乘運促會 得升列真 元始敷化
大演真機 此道堅固 悉入無為
既悟絕輪轉 大福享爾身 何慮塵沙劫
天地應不傾 靈光散十方 齊為白玉京
此三界之上飛空之中真王歌音參洞章
誦之百遍名度南宮誦之千遍群真保迎萬
遍道備飛昇太空過度三界位登仙公有聞

靈音三官敬形初制地祇侍衛送迎拔出地
戶五苦八難七租昇遷永離冥關竟度朱陵
超度死生是謂無量普度無窮有祕上天文
諸天共所崇泄慢墮地獄禍及七租翁
道言此二章並是諸天上帝及神霄玉清真

王隱秘之音此能誦之見道全體洞入無名
得悟證真永斷輪轉皆是大梵之言非世上
常辭言無韻麗曲無華宛故謂玄奧難可尋
詳上天所寶祕於神府東華藏室依玄科應
運下傳若有至人齋金寶質心依舊格告盟

三天然後而付焉
道言夫天地運度亦有否終日月五星亦有
虧盈至聖神人亦有休否末學之夫亦有疾
傷凡有此災皆氣數窮極往來始終輪轉三
界諸幻所生同氣皆當齊心修齋六時行香
十遍轉經福德立降消諸不祥无量之文普
度無窮

道言夫末學道淺或仙品未充運應滅度身
經太陰臨過之時同學至人為其行香誦經
十過以度屍形如法竟神徑上南宮隨其學

功計日而得昇玄不入輪轉便得神仙

道言夫天地運終星宿錯度日月失昏四時

失度陰陽不調國境不稔疫毒流行兆民死

傷師友命過悉為有世之患刑傷之災皆當

修齋行香誦經其道內著永斷輪轉超出三

界却滅刑災神靈聞之即當消解夫齋戒誦

經功德甚重上消天災保鎮帝王下攘毒害

以度兆民生死受賴其福難勝故曰无量音

度天人

道言凡有是經能為天地帝王兆民行是功

德有災之日發心修齋燒香誦經十過皆諸

天記名萬神侍衛右別至人剋得為聖君金

闕之臣諧天記人功過毫分無失天中真王

亦保舉爾身得道者乃當洞明至言也諸天

中大梵隱語无量音

元始靈書中篇

東方八天

駸崎禹呀 元佐句野 河魁杜軍

華侯張化 沙洛維晃 鉅神劉師

勅周靈來 石完天真 陸觸附亮

符驅陰名 祭養謹戒 護救齊仁

約誠真私 呼應合倫 意通仗捷

丁威眠鄰

南方八天

闔闢谷玄 妙液交瓊 混氣接心

道園時會 和迫知微 允意洪施

換忽眇漠 玄諱德宜 洞清絕往

介尸端期 邀然外世 天真俯攜

雙路並遷 由夷指馳 歸畢空冲

鬼路幽機

西方八天

祖瑒開宗 氣根霞龍 梵演洞乘

恢化光容 仙露昇格 丹想文封

怪悟異生 水激火攻 壽隱解遙

遵叩祕濛 守嚴修隆 道受普風

隨舉觀代 繼執述從 善教屏邪

權示玄籠

北方八天

一品萬辨 生幾空常 力弊紹新

化代周遠 旋易旺弛 輻轉遠連

昧無動玄 匪知鄙天 泯斬繁職

圓廓獨空 變回定住 圖析來還

曷出俄居 恍字厥如 泮微祈醜

混罔勿規

道言此諸天中大梵隱語无量之音舊文玄

都九老仙君以黃樞漆液書於劫門帝闕之

上至真之人出三界離十方必登劫門詠中

篇以升無形下世末學住生死流居小乘位

不誦其文則地官錄其形質天司禁其魂爽

取道暗者不知至玄能味靈文中池之神告

兆無極開大明於慧牖豁見海於定都也字

皆廣長一文天真皇人昔書其文以為正音

有知其音能齋而誦之者諸天皆遣飛天神

王下觀其身書其功勤上奏諸天萬神朝禮

地祇侍門大敷十真保舉上清道備剋得遊

行三界昇入金門此音無所不辟無所不攘

無所不度無所不成天真自然之音也故誦

之致三天下觀上帝遙唱萬神朝禮三界侍

軒群杖束首鬼精自亡琳琅振響十方肅清

河海靜默山嶽吞烟萬靈振伏招集群仙天

